



Kvinnherad kommune
Rosendalsvegen 10
5470 ROSENDAL

Saksbehandlar, innvalstelefon
Anne Vibeke Barkved, 5764 3117

Tildelingsbrev - stimuleringsmidlar til eigeninitiert utviklingsprosjekt

Vi viser til søknad frå dykk av 31.05.2022.

Tilskotsordninga er ein del av kompetansestrategien for det kommunale barnevernet, og skal medverke til å stimulere til teneste- og tiltaksutvikling i kommunane for å styrke oppfølginga av utsette barn og familiane deira. I 2022 har Statsforvaltaren i Vestland kr 1 445 026,- i tilskotsmidlar til disposisjon til å støtte kommunane sine eigeninitierte utviklingsprosjekt som er forankra i kommunale læringsnettverk.

Kvinnherad som vertskomme søker i samarbeid med Ullensvang kommune om kr 550 000,- til vidareføring av prosjektet «Kompetanseløft – vald og seksuelle overgrep». Det går fram av søknaden at de har avtale om samarbeid med RVTs Vest, Krisesenter Vest IKS, Statens barnehus og Kvinnherad politistasjon. Føremålet med prosjektet er å auke kompetansen til barn og unge, og til tilsette som møter barn og unge, om vald og seksuelle overgrep. Vidare er føremålet å ha gode hjelpetiltak når det vart avdekkja vald og seksuelle overgrep mot barn og unge. De har og planar om å utvikle ei rutine for gjenforeining mellom barn og familiar etter tilrettelagt avhøyr på barnehuset i samarbeid med Barnehuset i Bergen

De starta opp prosjektet i 2020 og fekk tildelt 481 830,- i stimuleringsmidlar, jamfør brev av 20.11.2020. De søkte om nye stimuleringsmidlar våren 2021, og fekk tildelt 505 000,- jamfør brev av 22.06.2021.

De skriv at de har kome godt i gang med prosjektet og at de innan kort tid har det meste av rutinar og modellar klart. De søker om meir midlar til å starte arbeidet med å teste ut desse, og vil ha fokus på å få prosjektet forankra i politisk og administrativ leiing. Statsforvaltaren si vurdering er at de har grunngeve behovet for vidareføring av dette utviklingsarbeidet godt. Vi vurderer at prosjektet de søker om midlar til stetter dei vilkåra som Barne- ungdoms- og familiedirektoratet har sett for tilskotsmidlane.

Statsforvaltaren i Vestland løyver med dette 500 000,- til utviklingsprosjektet «*Kompetanseløft – vald og seksuelle overgrep*». Vi vil betale ut pengane etter vi har motteke vedlagte skjema for stadfertsting på at de aksepterer dei kriteria for løyvinga som kjem fram i dette brevet. Stadfestinga (vedlegg 1) må de sende til Statsforvaltaren **innan 01.08.2022** merka med referansenummeret vårt **2022/755**.



Løyvinga skal de nytte til lønn til prosjektkoordinator og prosjektmedarbeidar. Vi har i denne omgang ikkje løyva pengar til materiell. Grunngevinga er at vi har mottatt søknadar for eit større beløp enn vi har til rådighet.

Vi gjer merksam på at det blir lyst ut nye tilskotsmidlar våren 2023.

Det er eit vilkår at de stiller med ein representant eller vara ved årleg val i styringsgruppa for læringsnettverk i Vestland. Det er lagt opp til fire til seks møter pr. år, der det vil bli høve til å delta på dei fleste møta via Teams.

De kan ikkje nytte dei tildelte midlane til andre føremål. Dersom de ønskjer å omdisponere tilskotet innafor same føremål, må de avklare dette skriftleg med Statsforvaltaren på førehand.

Tilskotet må nyttast innan utgangen av 2023. Dersom løyvinga ikkje kan nyttast etter føresetnadane, skal de betale pengane attende til Statsforvaltaren. Statsforvaltaren, Barne,- ungdoms- og familiedirektoratet og Riksrevisjonen kan i samsvar med reglane i det statlege løyvingsreglementet kontrollere at løyvinga vert nytta etter føresetnadane.

Revisorattestert rekneskap, rapport om prosjektet og bruken av pengane skal de sende til Statsforvaltaren **innan 01.02.2024**. Rekneskapan må de setje opp på ein slik måte at Statsforvaltaren kan kontrollere at løyvinga er nytta i tråd med føresetnadane.

Svar på dette brevet skal de sende til vårt postmottak: sfvpost@statsforvalteren.no

Praktiske spørsmål knytt til prosjektet kan de sende til kontaktperson hjå Statsforvaltaren: Bente Cecilie Foss, på e-post: fmhobcf@statsforvalteren.no

Med helsing

Øystein Breirem Jacobsen
seksjonsleiar

Anne Vibeke Barkved
seniorrådgjevar

Dokumentet er elektronisk godkjent

Kopi til:

Ullensvang kommune

Opheimsgt. 31

5750

ODDA